



TEKS UCAPAN

**YB ADLY ZAHARI
TIMBALAN MENTERI PERTAHANAN**

**MAJLIS IFTAR YB TIMBALAN MENTERI PERTAHANAN
BERSAMA ASNAF DAN NELAYAN VETERAN ATM**

30 MAC 2024 (SABTU)

GRAND RIVERVIEW HOTEL, KOTA BHARU, KELANTAN

بِسْمِ اللَّهِ الرَّحْمَنِ الرَّحِيمِ

Alhamdulillah Rabbil 'Alamin Wassolatu Wassala Mu'ala Asyrafilambiya
Iwalmursalin, Wa'ala Alihi Wasohbihi Ajmain. Robbisy Rohli Sodri Wayasirli
Amri, Wahlul Uqdatamillisani Yafqohu Qauli.

لسلام عليكم ورحمة الله وبركاته

Salam Ramadhan, Salam Sejahtera dan Salam Madani kepada

(SENARAI SALUTASI BERASINGAN)

**Dato'-Dato, Tuan-Tuan, Puan-Puan dan Hadiran Yang Dikasihi Dan
Dirahmati Allah Sekalian.**

PENDAHULUAN

Alhamdulillah, syukur ke hadrat Allah Subhanahu Wataala kerana dengan limpah kurniaNya dan anugerah kesihatan yang baik diberiNya, maka dapatlah kita sama-sama berkumpul pada petang ini sempena **Majlis Iftar Timbalan Menteri Pertahanan Bersama Asnaf dan Nelayan Veteran ATM**

Di kesempatan ini juga, saya ingin merakamkan ucapan setinggi-tinggi penghargaan kepada Pengerusi Lembaga Kemajuan Ikan Malaysia, Tuan Muhammad Faiz Fadzil di atas kerjasama dalam penganjuran majlis ini.

YBhg Dato', Tuan-Tuan, Puan-Puan dan Hadirin Sekalian.

Majlis pada petang ini diadakan tidak lain bertujuan untuk meraikan dan menyantuni golongan yang amat memerlukan perhatian, iaitu warga asnaf dan Veteran ATM di Kelantan. Pada hari ini, Kementerian Pertahanan sekali lagi melebarkan jaringan kerjasama strategik dengan agensi-agensi kerajaan dalam usaha untuk terus menyantuni Veteran ATM dalam segenap aspek.

Untuk itu, saya ingin mengambil peluang ini sekali lagi untuk merakamkan setinggi-tinggi penghargaan atas kesudian pihak LKIM untuk berkolaborasi menyantuni warga veteran dan asnaf di Kota Bharu pada hari ini.

Saya juga ingin merakamkan penghargaan dan terima kasih kepada pihak penaja yang sentiasa menjadi tulang belakang kepada Kementerian Pertahanan dalam menghulurkan bantuan kepada veteran AYM. Penghargaan kepada pihak Yayasan Lembaga Tabung Angkatan Tentera (LTAT) dan Yayasan Veteran ATM di atas sumbangan masing-masing berjumlah **RM20,000.00** keseluruhannya untuk disampaikan kepada Veteran ATM.

Untuk makluman pada hadirin, kebajikan veteran ATM sentiasa diberi keitamaan di Kementerian Pertahanan. Pelbagai program di rencana, dan in termasuk Program Peduli Veteran (PPV) dan Pemerksaan Usahawan Veteran ATM (PUVET) dilaksanakan dengan tumpuan kepada 5 aspek iaitu kebajikan, kesihatan, pendidikan, perumahan dan keusahawanan.

Kementerian Pertahanan akan terus meneroka peluang kerjasama dengan rakan strategik samada agensi-agensi kerajaan yang berkaitan mahupun pihak GLC, GLIC serta pemain industri yang mampu membawa kelestarian kepada kelangsungan hidup veteran ATM.

Akhir kata, saya ingin mengucapkan ribuan terima kasih dan setinggi-tinggi penghargaan kepada semua yang terlibat dalam menjayakan majlis pada petang ini. Saya berharap, komitmen dan kerjasama yang utuh sebegini perlu diteruskan di masa akan datang. Ini penting bagi memastikan usaha kita untuk terus mempertingkatkan agenda kebajikan veteran ATM dan keluarga agar sentiasa terpelihara.

Sekian Saya Sudahi Dengan,

وبالله التوفيق والهداية والسلام عليكم ورحمة الله وبركاته

Terima kasih.